

**Broj: 01-05-6-00858/2018-III**  
**Sarajevo, 23.04.2018. godine**

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-05-6-00858/2018 od 20.04.2018. godine, Direktor Federalne uprave za inspeksijske poslove, u ime ugovornog organa donosi

**O D L U K U**  
**o izboru najpovoljnijeg ponuđača i dodjeli ugovora**

**Član 1.**

Prihvata se preporuka Komisije za javnu nabavku broj 01-05-6-00858/2018-II od 20.04.2018 godine, te se ugovor o javnoj nabavci usluga osiguranja od automobilske odgovornosti sa uključenim osiguranjem putenika od nezgode, zelene karte i potpuno kasko osiguranje (lot 1.) motornih vozila Federalne uprave za inspeksijske poslove dodjeljuje ponuđaču „Sarajevo osiguranje“ d.d. Sarajevo, koji je nakon provedenog otvorenog postupka uz primjenu e-aukcije ponudio najnižu ukupnu cijenu u iznosu od 24.427,30 KM.

**Član 2.**

Ugovor sa ponuđačem „Sarajevo osiguranje“ d.d. Sarajevo, zaključit će se pod slijedećim uslovima:

- ukupna cijena prihvaćene ponude broj 01-894/18 od 14.03.2018. godine nakon provedenog postupka e-aukcije: 24.427,30 KM;
- rok plaćanja je 30 dana od dana prijema fakture na protokol ugovornog organa u skladu sa budžetskim načinom plaćanja po cijenama ponudnim u Aneksu 2 Tenderske dokumentacije-Obrazac za cijenu ponude i usklađenim sa cijenom datom postupku e-aukcije;
- period na koji će se zaključiti ugovor: 1 (jedna) godina dana od dana zaključenja ugovora;
- usluge će se vršiti sukcesivno i po potrebi Ugovornog organa, u mjestu sjedišta ugovornog organa – Sarajevo.

**Član 3.**

Po okončanju žalbenog roka ugovorni organ će sa ponuđačem iz člana 1. ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim zapisima koji regulišu postupak ugovaranja.

**Član 4.**

Ova odluka će se objaviti na web stranici Federalne uprave za inspeksijske poslove.

**O b r a z l o ž e n j e**

Na osnovu odluke direktora Federalne uprave za inspeksijske poslove broj 01-05-6-00858/2018 od 16.02.2018. godine pokrenut je otvoreni postupak uz primjenu e-aukcije za nabavku usluga osiguranja od automobilske odgovornosti sa uključenim osiguranjem putenika od nezgode, zelene karte i potpuno kasko osiguranje.

Dana 14.03.2018. godine izvršeno je objavljivanje obavještenja o nabavci na Portalu javnih nabavki, a 16.03.2018. godine u Službenom glasniku BiH broj 18/18, broj obavještenja 1292-1-2-4-3-2/18.

Dana 16.04.2018. godine Komisija za javne nabavke ugovornog organa je izvršila otvaranje blagovremeno pristiglih ponuda, o čemu je sačinjen zapisnik o otvaranju ponuda broj 01-05-6-00858/18-I koji je odmah po otvaranju ponuda uručen prisutnom ovlaštenom predstvaniku jednog od ponuđača, dok je ostalim odmah otpremljen putem pošte.

U zapisniku sa otvaranja ponuda je utvrđeno da su pšo navedeni ponuđači ponudili tražene robe po cijenama, kako slijedi:

Naziv/ime ponuđača	Ukupna cijena ponude
„Adriatic osiguranje“ d.d. Sarajevo	52.615,92 KM
„Sarajevo osiguranje“ d.d. Sarajevo	26.809,90 KM
„Central osiguranje“ d.d. Sarajevo	33.123,61 KM
„Euroherc osiguranje“ d.d. Sarajevo	26.076,98 KM

Odmah po završetku postupka javnog otvaranja ponuda komisija je izvršila analizu pristiglih ponuda provjerom sadržaja i validnosti dokumentacije koju su ponuđači dostavili, te je tom prilikom konstatovala da su svi ponuđača dostavili traženu dokumentaciju, odnosno da sa aspekta formalne ispravnosti ponuda ne postoje razlozi za odbacivanje ponude bilo kojeg od ponuđača.

Komisija je nakon utvrđivanja prednjih činjenica na istom sastanku utvrdila termin za e-aukciju, nakon čega je ista i zakazana u skladu sa odredbom člana 4. Pravilnika o uvjetima i načinu korištenja e-aukcije za dan 19.04.2018. godine u 13,00 sati.

Komisija je dana 20.04.2018. godine, nakon provedenog postupka e-aukcije na sastanku izvršila uvid u Izvještaj o toku i završetku e-aukcije, konstatovala je da je e – aukcija trajala od 13,00 do 13,18 sati, te da su ponuđači koji su učestovali u postupku e-aukcije dali ponude, kako slijedi:

Naziv /ime ponuđača	Početna cijena bez PDV-a	Cijena nakon e-aukcije bez PDV-a	Rang
Sarajevo osiguranje d.d.	26.809,90 KM	24.427,30 KM	I
Central osiguranje d.d.	33.123,61 KM	24.580,00 KM	II
Euroherc osiguranje d.d.	26.076,98 KM	26.076,98 KM	III
Adriatic osiguranje d.d.	52.651,92 KM	52.651,92 KM	IV

Komisija je slijedom prednjeg Izvještaja sačinila preporuku broj 01-05-6-00858/18-II od 20.04.2018. godine, koju je dostavila direktoru uprave na razmatranje, a u kojoj se predlaže da se ugovor u skladu sa kriterijem najniža cijena tehnički zadovoljavajuće ponude dodijeli ponuđaču „Sarajevo osiguranje“ d.d. Sarajevo, čija ponuda je ocijenjena najpovoljnijim sa ukupnom cijenom od 24.427,30 KM.

Nakon razmatranja dostavljene preporuke Direktor Federalne uprave za inspeksijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

**Pouka o pravnom lijeku:** Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.

**DIREKTOR**

Anis Ajdinović

Dostaviti:

1. „Adriatic osiguranje“ d.d. Trg Međunarodnog prijateljstva 20, 71000 Sarajevo
2. „Sarajevo osiguranje“ d.d. Sarajevo, M. Tita 29, 71000 Sarajevo
3. „Central osiguranje“ d.d. Džemala Bijedića 39, 71000 Sarajevo
4. „Euroherc osiguranje“ d.d., Trg Međunarodnog prijateljstva 20, 71000 Sarajevo
5. Sektor za materijalno-finansijske poslove
6. Sektor za tehničku podršku i plansko- analitičke poslove
7. Komsija za javne nabavke (a/a).

Sarajevo, Fehima ef. Čurčića br.6, Tel: ++387 33 563 360, Fax: +387 33 563 361